



United Nations Educational, Scientific and Cultural Organization

# Waxbarashada Caafimaadka



## HORDHAC

### Waxbarashada Caafimaadka

Waxbarashada Caafimaadku waxay ay hadda si sharci ah uga mid noqotay Manhajka. Maaddooyinka dugsiyada aasaasiga ah ee fasallada 1aad — 8aad.

Ujeeddada Waxbarashada Caafimaadka laga leeyahay waxa weeye in la beddelo asluubta ardayda si ay u gutaan xilka caafimaadka iyo ka bulshada ay la nool yihiin.

XASAN DAAHIR OBSIYE

Agaasimaha Waaxda Horumarinta Manaahijta

### HORDHAC

Buuggaan waxaa soo ururiyay,  
Iskuna soo dubariday  
daabacadiisa labaad Koxda  
Farsamada ee Xafiiska UNESCO  
u qaabilsan tala bixinta  
waxbarashada


Maajo 1994

1st Reprint

## Waxbarashada Caafimaadka



*Dugsiga kaalay adiga oo nadiif ah  
Waqtiga la tooso*



*Kani waa Jibriil.*

*Jibriil waa arday.*

*Waxa uu dhigtaa fasalka labaad.*


**Sheeko: Waxa la qabto subaxda hore**



**Jibriil subaxda hore:**

- Waa uu cadaydaa.
- Wajiga ayaa uu dheqdaa.
- Waa uu shanlaystaa.
- Dharkiisa ayaa uu xirtaa.
- Waa uu quraacdaa.
- Kadibna buugta ayaa uu qaataa.

**Sheeko: Sida ardayga laga rabo.**



**Waa kan Jibriil.**

**Waxa uu yimid dugsiiga.**

**Jibriil waa nadiif.**

**Dugsiiga kaalay adiga oo nadiif ah.**

## Maxaa aynu ugu baahannahay Iikaha?



Goosasho



Calalin



Hadal


*Iikaha waxbaa lagu goostaa.  
Iikaha waxbaa lagu calaliyaa.  
Iikaha hadaika ayaa ay toosiyaan.*

## Maxaa dhiba Iikaha?



- *Waxyaabahani waa mac-macaan.*
- *Iikaha ayaa ay dhibaantaa.*
- *Iikaha mac-macaanka lagu cunaa waa ay bukoobaan.*


Waxqabad.




Qor magacyada cuntada u roon ama dhiba ilkaha. Cuntadu waa kuwa ka muuqda sawirka sare.

Waxyaabaha dhiba ilkaha	Waxyaabaha u roon ilkaha
Nac-nac	Caday


Baarista Aragtida



- Kani waa fasal.
- Waxaa hortaagan macallin.
- Kaasi na waa arday.
- Macallinku waxa uu tijaabinayaa aragtida ardaygaasi.

*Baarista Maqalka.*


- *Kani waa fasal.*
- *Macallin baa hortaagan.*
- *Waxaa taagan arday.*
- *Macallinku waxa uu tijaabinayaa maqalka ardaydaasi.*

*Baarista Dhawaaqa.*

- *Fasalkani waa labaad B.*
- *Waxaa hortaagan macallin.*
- *Waxaa kale oo taagan saddex arday.*
- *Waxaa la tijaabinayaa dhawaaqooda.*

### Hannaanka Joogga.

- *Kani waa Qaalid.*
- *Qaalid si toosan ayaa uu u taagan yahay.*
- *Dhabarklisa ma godna.*





- *Kani waa Bashir.*
- *Bashir si toosan u ma taagna.*
- *Bashir dhabarka ayaa godan.*

MAYA

### Hannaanka Fadhiga.

- *Tani waa Xadiya.*
- *Si toosan ayaa ay u fadhidaa.*
- *Sida Xadiya in loo fariisto ayaa fiican.*




- *Tani waa Nadiifa.*
- *Si toosan u ma fadhido.*
- *Ma fiicna in sida Nadiifa loo fariisto.*

MAYA

### Hannaanka Seexashada.


- Tani waa Suuban.
- Si fiican ayaa ay u jiftaa.
- U seexo sida Suuban.




- Kani waa Cawil.
- Cawil si fiican u ma jiifo.
- Ma fiicna in sida Cawil loo seexo.




### Jimicsiga Dhabarka.



- Kani waa Wiil.
- Dhabarka ayaa (qaloocsan) godan.
- Waxa uu samaynayaa jimicsiga dhabarka.

*Jimicsiga Gacmaha.*

- *Tani waa Gabar.*
- *Gacmaha ayaa godan.*
- *Waxa ay samaynaysaa jimicsiga gacmaha.*

*Jimicsiga Lugaha.*


- *Tani waa Gabar.*
- *Lugaha ayaa godan.*
- *Waxa ay samaynaysaa jimicsiga lugaha.*

*Gasho kabo ku le'eg.*



**MAYA**


- *Tani waa Luul.*
- *Waxa ay gashan tahay kabo ka weyn.*
- *Kuma socon karto.*



**MAYA**

- *Kani waa Sugulle*
- *Sugulle waxa uu gashan yahay kabo ka yar.*
- *Kuma socan karo.*
- *Socodkii ayaa ka xumaaday.*


*Ha xiran dharka dadka kale.*



- *Aadan iyo Mooge waa laba arday.*
- *Waxa ay kala badalan rabaan shaatiyadooda.*
- *Macallinka ayaa ku leh maya !!*



### Caadayso faradhaqashada



- Sawirkan waxa kaaga muuqda fara la dhaqayo
- Mar kasta oo aad wax qabato fara-dhaqo.
- Fara dhaqasho joogta ah waa cudurka ka hortaggiisa.

### Waxqabad.

Layli

Ku hor qor calaamadaha kala ah sax (✓) ama qalad (X) sawirrada soo socda.


Tusaale:



## Cantuugo yar afka gasho.



- Tani waa Qaali.
- Waxa ay cunaysaa cunto.
- Waxa ay afka gashanaysaa cantuugo yar.



- Kani waa Saciid.
- Saciid cunto ayaa uu cunayaa.
- Cantuugo weyn ayaa uu afka gashanayaa.

## Si asluub leh u calali




- Kani waa Saciid.
- Waxa uu calalinayaa cunto.
- Si aan asluub ahayn ayaa uu wax u calalinayaa.



- Tani waa Qaali.
- Waxa ay calalinaysaa cunto.
- Si asluub leh ayaa ay u calalinaysaa.


## Ha ku quficin qof kale hortiiisa.



- Kuwani waa arday.
- Waa ay ciyaarayaan.
- Xaashi iyo Suleymaan ayaa dhinac taagan.
- Xaashi waa uu qufacayaa.
- Waxaa hortaagan Suleymaan.
- Xaashi waxa uu ku qufacayaa Suleymaan.

8.3

*Ha cunin cunto qof afkiisa  
ka soo noqotay.*



- *Tani waa Deeqa.*
  - *Waxa ay calashanaysaa xanjo (luubaan).*
  - *Madiina ayaa ka baryaysa xanjada.*
  - *Deeqa xanjadii ay calalinaysay ayaa ay u jartay.*
- Ha cunin citin (hambo) qof kale .*


9.1

*Ha ku shanlaysan agagaarka cuntada.*



- *Tani waa Cadar.*
- *Waxa ay fadhidaa jikada.*
- *Waa ay ku dhex shanlaysanaysaa.*

**Ku ciyaar meel nadiif ah.**



- Carruurtaan waa ciyaarayaan.
- Meelaha ay ku ciyaarayaan waa halis.
- Kulmiye wasakh dhulka taal ayuu afka gashanayaa.
- Kooshin waxaa sartay dhalo.

**Ma dareenteen nadaafaddarrida xaafadda.**




- Kuwani waa arday.
- Waxa ay joogaan xaafaddooda.
- Waxa ay is weydiinayaan nadaafad xumida xaafadda.

## Ayaa nadiifin lahaa?



- *Kuwani waa ardaydii.*
- *Waxa ay xaaqayaan xaafadda.*
- *Waxaa hortaagan Diiriye.*
- *"Nadiifiye ma laha"? ayaa uu Diiriye leeyahay.*

## Nadaafaddu waa iimaanka nuskiis



- *Daya xaafaddii!*
- *Noloshu waa nadaafad.*
- *Nin walibow ku nuuxso.*

Waxqabad.

Layli

Xarfaha ka dhiman ku dhamaystir magacyada cuntada ee ku qoran sanduuqyada.

Tusaale: Karooto **K A R O O T O**

1 **B R A R N I**

2 **A A I**

3 **Y A N O**

4 **K S O**

5 **C B E**

6 **A S L**

7 **B C R**

8 **I I**


9 **Q A**

10 **O S**

- Yaanyo
- Moos
- Bataati
- Barbarooni
- Qare

- Koosto
- Basal
- Canbe
- Liin
- Bocor

Waxqabad.



Layli

Si (sax ah) u qor magacyada soo socda adiga oo la kaashanaya sawirka cuntada.


Tusaale:  nuKu  Ukun

_____	_____
_____	_____
_____	_____
_____	_____

## Waxqabad.


Layli

Isku sax magaca iyo sawirka cuntada.




- |                |                  |
|----------------|------------------|
| 1 Baasto _____ | 6 Mufo _____     |
| 2 Bariis _____ | 7 Canjeero _____ |
| 3 Soor _____   | 8 Canbuulo _____ |
| 4 Shaah _____  | 9 Sanbuusi _____ |
| 5 Sallid _____ | 10 Rooti _____   |

## Nafaqada u roon Indhaha




- Kuwani waa cunto.
- Waxa ay u roon yihiin indhaha.
- Waa nafaqada indhaha.

### Nafaqada u roon Afka.



- Kuwani waa cunto.
- Waxa ay u roon yihiin afka.
- Waa nafaqada afka.

### Nafaqada u roon Lafaha.





- Kani waa Sarreeye.
- Lugaha iyo gacmaha ayaa qalqalooosan.
- Cuntadeesi ayaa u roon.
- Waa nafaqada lafaha.

## Waxqabad.

Layli

Ku hor qor nafaqada u roon mid kasta



Afka

---



---



---



Indhaha


---



---



---



Lafaha

---



---




---

## Kala soocidda cuntada.

Layli

Cuntooyinka sawirka ka muuqda,  
ardaydu waa in ay u kala saaraan sad-  
dexda qaybood ee cuntadu ka koobanto.



Tusaale:

Cuntada tamarta laga helo	Cuntada lagu koro	Cuntada caafimaadka kaabto
1. Hilib	1. Baasto	1. Liin
2.	2.	2.
3.	3.	3.
4.		4.
5.		5.
6.		6.

**Diyaarso cuntadaada.**


**Layli**

**Cuntooyinka sawirka ka muuqda arday waliba ha ka diyaarsado**



Quraac	Qado	Casho.


**Xubnaha xoolaha ee aan la cunin**



**Anyax**

**Kalluun.**


**Xayawaannada aan hilibkooda la cunin**



**Maskax**

14.1


### Maxaa jikada yaalla?



- Tani waa jiko
- Waxaa yaalla qalab kala duwan
- Waxaana habboon in la dhowro.

14.2

### Khatarta jikada.



- Fiiri sawirkaan.
- Waxaa ka muuqata saddex khatar oo jikada ka dhici kara.
- Magacaw khatarta,


## Waxqabad.

Layli

Sawirkan waxa kaaga muuqda qalabka jikada

Waxa aad sheegtaa siyaabaha ay khatarta uga dhalan karto.

Mid kastaa ku qor mæsha ku habboon.




Wax jara	Wax guba	kufin karo	Kusumayn kara
1. Minda	1. Dab	1. Gaas	1. Birqabad
	2.	2.	2.
3.	3.	3.	3.
4.		4.	4.


## Maxaa aad ku aragtaa jidka?



- Kani waa jid.
- Waa jid laami ah.
- Waa jid weyn.
- Waxaa marayso baabuur badan.


*Khatarta jidka.*

- *Kani waa jid.*
- *Waxaa ka dhacay shil.*
- *Baabuurta waa khatar.*
- *Waxaa habboon in laga digtoonaado.*

*Sida loo gudbo jidka.*


- *Kani waa Mustafa.*
- *Waxa uu u socdaa dugsiga.*
- *Waxa uu gudbayaa jidka.*

### Isticmaalka Korontada.




- *Kani waa fasal.*
- *Macallimada waxa ay sharxaysaa cashar.*
- *Waxa ay tusaysaa sida loo daaro iyo sida loo damiyo nalka.*

### Khatarta Korontada.



- *Kani waa Jimcaale.*
- *Waa uu qubaysanayaa.*
- *Waxa uu daarayaa nalka.*
- *Waa khatar.*

Layli  
Ku qor Maya iyo Haa sawirrada soo  
socda.




---



---




---



---


Sheeko.  
Makiinada cajiinka



- Taasi waa hooyo Isniino.
- Kani waa wiilkeeda Jamaal.
- Waxa ay u diraysaa makiinada cajiinka shiidda.

17.2


**Sheeko socota Khatarta makiinada.**



- **Jamaal waxa uu ku dhax jiraa makiinada.**
- **Waxa uu gacanta ku sii wadaa shiingiyada makiinada.**
- **Ninka makiinada leh waa mashquul**

17.3

**Sida looga badbaadi karo.**




- **Tani waa makiinada cajiinka lagu shiido.**
- **Waxaa ku hor dhisan darbi.**
- **Waxaa saaran alwaax.**
- **Dadku waxa ay taagan yihiin darbiga.**
- **Waxa ay ku sugayaan cajiintooda.**
- **Meeshaasi khatar ma leh.**

### Qalabka la isticmaalo.



- Kuwani waa dad
- Waa ay shaqaynayaan.
- Waxa ay ku shaqaynayaan qalab.
- Qalabkaasi waxa loo isticmaalaa shaqooyinkaas.

### Khatarta qalabka.



Tani waa Jiina.

- Waxa ay googoyneysaa hilib.
  - Mindi ayaa ay isticmaalaysaa.
  - Isticmaalkeeda ma fiicna.
- Khatar ayaa ka imaan karta.

- Kani waa Kaahin.
- Waxa uu jirayaa alwaax.
- Waxa uu ku jarayaa miinshaar.
- Qaabka uu u jaraayo ma fiicna.
- Khatar ayaa ka imaan karta.



## Waxqabad.

Layll

Ku hor qor calaamadaha kala ah sax (✓)  
ama qalad (X) sawirrada soo socda.



\_\_\_\_\_



\_\_\_\_\_




\_\_\_\_\_



\_\_\_\_\_


Xaggee ayaa uu dabka ka kacaa?  
Sigaarka.



- Kani waa nin.
- Waxa uu jiifaa sariir.
- Waxa uu akhrisanayaa joornaal.
- Waxa uu cabbayaa sigaar.
- Dab ayaa ka kici kara.

Sheeko

Gubasho




- Sawirka waxa ka muuqata hooyo Iftin.
- Hooyo iftin caano ayaa ay karinaysaa.
- Waxaa ag fadhiya Carraale.

Sheeko socoto.




- Hooyo Iftin waxaa guriga ka soo galay ari.
- Waa ay erinaysaa.
- Carraale waxa uu ku sii garguuranayaa dabka.



*Carraale waxa uu isku soo rogay digsigii dabka saarnaa.*

*Carraale waxa uu ku gubtay caanihii.  
Badanaa sidaas ayaa ay ku gubtaan carruurta.*

*Dhiciddi waa khatar.  
Kufid*




- *Kani waa Cali*
- *Waxa uu fuulayaa jaranjaro.*
- *U ma fiirsanayo saamihiisa.*
- *Lugta ayaa uu la galay.*

### Silbasho (siririqasho).




- Tani waa Muna.
- Waxa ay ku socotaa meel dhiiqa leh.
- Muna waa silbatay (siririqatay).
- Lugta ayaa ka jabtay.

### Geed ka dhicid.




- Kani waa Axmed.
- Waxa uu korayaa geed.
- Waxa uu ku joogsaday laan jilicsan.
- Geedkii ayaa uu ka soo dhacay.
- Ma'axa ayaa uu ka dakhramay

### Shaqaalaha Daryeelka Bulshada.



- Sawirkan waxa kaaga muuqda dad.
- Waxa ay sitaan dhar gaar u ah.
- Waxa ay caan ku yihiin shaqo gaar u ah.
- Waa shaqaalaha daryeelka bulshada.

### Calaamadaha Badbaadada.



- Kuwani waa calaamado.
- Waxa ay astaan u yihiin waxyaabo.
- Waxa looga badbaadaa khatarta


Layli  
Ku hor qor sawirrada soosocda




---




---





---




---

Ayaa loo sheegaa khatarta dugsiga?




- Kuwani waa arday.
- Waxa ay ku ciyaarayaan miiska.
- Cusmaan waxa uu fuushan yahay miiska.
- Waxaa eryanaaya Ceynte.
- Cusmaan daaqadda ayaa uu ka dhacay.
- Lugta ayaa uu ka jabay.
- Ayaa loo sheegi jabka Cusmaan?

*Ayaa loo sheegaa khatarta guriga?*




- *Tani waa Batuula.*
- *Waxa ay karinaysaa maraq.*
- *Maraqii ayaa dabka ku daatay.*
- *Dabkii waa holcay.*
- *Ayaa loo sheegi khatartaas .*

*Ayaa loo sheegi khatarta xaafadda?*



- *Kuwani waa ciyaal (carruur).*
- *Waxa ay ku ciyaarayaan xaafadda.*
- *Muuse iyo Idriis ayaa diriray.*
- *Muuse dhulkuu ku dhacay.*
- *Waa uu suuxay.*
- *Ayaa loo sheegaa khatartaas oo kale?*

*Daayucu waa halis.*

- *Kani waa Celasow.*
- *Jidka ayaa uu ku ciyaarayaa.*
- *Waxa uu dabada haystaa baabuur.*
- *Baabuurkii ayaa uu ka dhacay.*
- *Waxa jiri gaaray baabuurtii kale.*

*Digtoonaaan waa badbaado.*

- *Tani waa Xaali.*
- *Waxa ay haysataa dhalo.*
- *Dhalada wax baa ku jira.*
- *Dhalada waxba kuma qorna.*
- *Xaali waa ay iska urinaysaa.*

## Waxqabad.

Layli

Dhammaystir erayada soo socda adiga oo la kaashanaya sawirka ku dhinac yaalla.



D—gt—n—n



D—y—c



D—gt—n—n



D—y—c

## Gurigaaga



- Kaasi waa gurigayagii.
- Waxa uu ku dhexyaallaa xaafad.
- Waxa deggen qoyskayagii.

## Qoyskayaga.



- Kaasi waa qoyskayaga.
- Aabe waxa uu cabbayaa shaah.
- Walaalahay waa ay ciyaarayaan.
- Dhammaan waa qoyskayaga.

## Aabbe.

*Kani waa aabbahay Sugaal.*

*Waxa uu noo soo shaqeeyaa cuntada.*

*Aabahay waxa uu noo soo shaqeeyaa Lacag*

*Waxa uu noo soo iibshaa dharka.*



**Aabbe sugaal ayaa qoyskayaga u madax ah.**

**- Dhibaatada qoyska Aabbe ayaa loo sheegaa.**

*— Isaga ayaa xalliya.*

## Hooyo.



- Tani waa hooyaday Saxarla.
- Waxa ay noo diyaarisaa cuntada.
- Waxa ay daryeeshaa nadaafadda guriga.
- Waxa ay noo dhaqdaa dharka.




Hooyo Saxarla, ayaa ka masuul ah  
barbaarinta Carruurta.


- Waxa ay nagu abaabisaa dhaqanka wanaagsan.

Waxa ay noo sheegtaa Sheekooyinka  
Soomaalidda.

## Aniga



- Magacaygu waa Sarreeys.
- Waxa aan ahay arday.
- Waxa aan dhigtaa fasalka labaad.
- Waxa aan ka mid ahay hoyskayaga.

**Halxiraale.**

- Kuwani waa arday.
- Waxa ay fadhiyaan fasalka hortiiisa.
- Waa ay halxiraalaysanayaan.

**NAFAQADDA DHALLAANKA.**

*Nafaqada ugu horreysa ee dhallaanka la siin karo waa caanaha hooyada. Caanaha hooyadu waa caano caafimaad u leh ilmaha.*

**DHALO KU NUUJINTA.**

*Dhalo ku nuujintu waa u halis ilmaha.  
Dhaladu nadiif ma noqon karto. Dhaladu  
waa dilaaga ilmaha.*

**KHATARTA DHALADA.**


*Dhaladu waa hoyga wasakhda.  
Dhaladu waa horseedka shubanka.*

## Astaamaha Hargabka.




- Kani waa Xirsi.
- Xirsi waa jirran yahay.
- Waxa uu qabaa hargab.

## Sida loo kala qaado.




- Hargabku waa cudur la isku daarto.
- Hindhisadaa fidisa.
- Hambada hargabaysanaha waa halis.

*Ka hortagga iyo dawaynta.*




- Hargab kaga hortag:  
"Nadaafad iyo isdhowrid".
- Dawayntiisu waa:  
"Nasasho iyo cabbitaan".

*Astaamaha Daafka (indhoo xanuun).*



- Daafku waa cudur.
- Indhaha ayuu dilaa.
- Qoray dhex mariyo dheecaan buu ku caan yahay.

*Sida loo kala qaado.*




- *Daafka waa la isku daartaa.*
- *Duqsigaa fidiya.*
- *Farahaa faafiya.*

*Ka hortagga iyo dawaynta.*



- *Daafka kula dagaallan:*  
*"Biyo diirran iyo daawo joogta ah".*
- *Kaga hortag:*  
*"Dabargoynta duqsiga".*

*Astaamaha Shubanka.*



- *Shuban waa halis.*
- *Waa ku shuuqiya.*
- *Shawdaad gurtaa.*

*Sida loo qaado.*



*Shuban waa dilaa.*

*Wasakhduu la daris yahay*

*duqsigaa daadaheeya*


*dhaladuna ka sii daran.*

*Ka hortagga iyo dawaynta.*



- *Shubanka waa cudur.*
- *Carruurtii dhammee.*
- *Nadaafad baa lagu ceshaa.*
- *Cabbiddaa u daawa ah.*

*Astaamaha Gooryaanka*




- *Gooryaanku waa cudur.*
- *Calooshuu galaa.*
- *Dabada oo ku cuncuntiyo.*
- *Nabarruu ku caan yahay.*

*Sida loo kala qaado.*



- *Gooryaanku cagahuu galaa.*
- *Calooshuu tagaa.*
- *Ciyaartiisa dhaaf nin cudurkaas hayaa.*

*Ka hortagga iyo dawaynta.*



- *Gooryaanku waa halis.*
- *Haragow ninkii*
- *Hoy laga galaa waa.*
- *Kabahood hilinaatiyo'*
- *Nadaafad ood ku hirataa.*

## Kala soocidda astaamaha.

Layli

Ku hor qor meqaca cudurka ku habboon  
sawirrada soo socda.



\_\_\_\_\_



\_\_\_\_\_




\_\_\_\_\_

## Garo dawadiisa

Layli



Goobaabin gali cudur kasta  
daawada ku habboon, adiga oo la kaas-  
hanaya sawirka.




## Ayaa joogaaya guriga?

Layli


Calaamadaan ku hor qor qofka guriga  
joogaaya.



- Hargab ma qabo.
- Waxa haya hargab.



- Injir ayaa ay qabtaa.
- Injir ma qabto.



- Indha ma xanuunayaan.
- Daaf ayuu qabaa.

Buuggan waxa qoray

1. Sahra Jibril Cali
2. Mahdi Xasan Sugaal
3. Safia Jibriil Cabdi
4. Siraad Cabdiraxmaan Axmed
5. Saciid Cilmi Muuse
6. Xaliima Maxamed Xirsi

Sawirrada waxa u sameeyey

1. Maxamed Muse Macow "Gaana"
2. Cabdulkadir Cali Xassan "Baliile"

Garaace

1. Nuur Maxamed
2. Caasha Maxamed Cali

Waxaa kaloo mahad gaar ahaaneed leh Kooxda Farsamada ee Xafiiska UNESCO u qaabilsan talo bixinta waxbarashada Soomaaliyeed iyo habeeyayaasha Buggaan daabacaadiisa labaad oo kala ah:

- |    |                              |        |
|----|------------------------------|--------|
| 1. | SACIID AXMED XUSEEN (Baafco) | LAYOUT |
| 2. | MAXAMED CALI SH. SACIID      | "      |
| 3. | CABDULLAAHI MAXAMED GACAL    | "      |

LA TALIYAHA:

G. RETAMAL  
UNESCO EDUCATIONAL ADVISER

**THIS MATERIAL WAS RE-EDITED AND RE-WRITTEN  
BY THE UNESCO TEAM E.D.C.**



United Nations Educational, Scientific and Cultural Organization

# Waxbarashada Caafimaadka

